



21. oktober 2021

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

Naalakkersuisunut apeqquteqaatit:

- 1. Aatsitassaarsiornermut Naalakkersuit sunik suliniuteqarsimappat, aningaasaleerusussutsimik annertusaasimasunik?**
 - a. Tassunga atatillugu Naalakkersuisut piumaffigineqarput suliniutit taakku nalunaarsoqqullugit, Naalakkersuisut ivertinneqarneranniit suliniutaasimasut, qularutissaanngitsumik aningaasaleerusussusermik pitsanngorsaataasimasunik.**
- 2. Qinersinerup 6. april 2021 kingorna Aatsitassarsiorniartut qassit aatsitassanik piiaanissamut aningaasaliiniarlutik kissaateqarsimappat?**
- 3. Pilersaarutit, qinersinerup 6. april 2021 siorna aallartereersimasut qassit, unitsikkallarneqarsimappat taakkulu siunissami qanoq periarfissaqartinneqarlutillu iliuuseqarfigineqassappat?**
- 4. Nunat sorliit Kalaallit Nunaat suleqatigiumallugu attaviginnissimappat Naalakkersuisut uranimik aamma oliamik piianissamik unitsitsinissamik kissaateqarnerannut atassuserneqarsinnaasut?**

(Inatsisartunut ilaasortaq Anna Wangenheim, Demokraatit)

Tunngavilersuutit

Ineqarnermut, Attaveqaasersuutinit, Aatsitassarsiornermut, Inatsisit atuutsinneqarnerannut Naligiissitaanermullu Naalakkersuisoq Facebook aqqutigalugu Arctic Circle Assembly Islandimi oqalugiarsimanini ussassaarutigaa.

Tassani oqarsimavoq, aatsitassarsiornermut attuumassuteqartut pilersaaruterpassuit aallartinneqareersut aammalu nuna arlaqartut, Kalaallit Nunaat aningaasaliiffissatsialattut isigigaat. Oqaaseqaat tupaallannartoq, tassami Sulisitsisut Kattuffiat (GE) sapaatit akunnerini kingullerni killormorluinnaq oqaaseqarmata.

GE-p Inatsisartunilu illuatungiliuttut piffissaagallartillugu aatsitassarsiornermi naalakkersuinerup allanngorartuunera isornartorsiorpaat, nunani allani suliffeqarfiit aningaasaleerusussusaannut naapertuutinnigimmat.

Taamaattumik Ineqarnermut, Attaveqaasersuutinit, Aatsitassarsiornermut, Inatsisit atuutsinneqarnerannut Naligiissitaanermullu Naalakkersuisup oqaatsit isumallualersitsisut atorpai,



innuttaasunik neriuteqalersitsisut, isumaqarpungali, nassuiartariaqaraa, suliat pillugit piviusumik tunngavissaqaqqulluta.

Taamaattumik paaserusunnarpoq, pilersaarutit tigussaasut suut, maannakkorpiaq aallartinneqarsimanersut, inuussutissarsiornerup ineriartorneranut pingaaruteqartorujussuummat aammalu uagut inuuniarnitsinnut atugarissaarnissatsinnullu qulakkeerinneqataasussamut. Ammaneruneg aammalu nassuiaateqarluarsinnaaneq pisariaqarpoq, aningaasaleerusunnerup tipisiornissaanut.

Isumaqaqqanngilanga, Ineqarnermut, Attaveqaasersuutitut, Aatsitassarsiornermut, Inatsisit atuutinneqarnerannut Naligiissitaanermullu Naalakkersuisup pisinnaatinneqartoq oqaatsinik isumalluarnartunik oqariartoqattaarnissaminut, piviusunik tunngavissaqaqqanngikkuni. Piviusunik ammasumillu oqariartuuteqartarneq siunissami pitsaanerpaavoq, taamaasilluta suliat eqqortumik tunngavilersorluakkanillu aallaavillit oqallisigisarniassagatsigit.

Apeqquteqaatima ullut suliffiusut qulit iluanni akineqarnissaat kissaatigaara.